

են ներհակք եւ անհաշտ թշնամիք . նմին իրի պարտ է զգոյշ և պատրաստ լինել 'ի նոցանէ , զի ես փորձիւ իմացայ և ձեզ գրեցի , զի ծանիջիք , յորոց չարեաց փրկեսցէ Տէր Աստուած զՍ . Աթոռս և զազգն մեր . ամէն :

Այսպէս կնքէ զայս ուղեւորութիւն իւր երանելի Հայրապետն , որ ինքն գրեալ է ամենայն հանգամանօք , որպէս է տեսանել 'ի յիշատակարանս ձեռագիր Աւետարանի , որ և հրատարակեցաւ 'ի Սիոն ամսաթերթի . (1866 . Երեւ 122 . 141 . 184) :

Զպատմութիւն հակառակութեանցն Յունաց յազազս վանաց Ս . Յակոբայ , և այլոց իրաց՝ քաղեալ եղաք 'ի կարգի պատմութեանս հաւատարիմ յաղբերաց : Սակայն զայս պատմութիւն այլով իմն եղանակաւ աւանդէ Տէր Մեկքոն քահանայ եկեղեցւոյն Պալատու 'ի Կոստանդինուպօլիս , առեալ յաւանդութենէ ձերոց ժամանակիս , որպէս զըրեալ տեսանի 'ի ձեռագիրս ինչ , և յածի 'ի լեզուս ռամկաց , զորմէ զանց արարաք դնել 'ի կարգի Պատմութեանս :



Գ Լ Ո Ւ Խ Է .

Զարութիւն Յունաց : Ֆելահք Պէյթ Ճալս գիւղի : Այլազգի դոնապանք : Սեղան Հոյոց 'ի Ս . Աստուածածին : Մահ Յոսէաննու Պատրիարքի , զգեստ նորին : Վանք Ս . Փրկչի : Կռիւ Լատինաց 'ի Ս . Յարութիւն : Կամակ Գրիգորի Պատրիարքի առ դեսպանն Գաղղոյ 'ի Կոստանդինուպօլիս : Խնդիր Լատինաց վասն գմբէթի Գերեզմանին :

ԱՍՍՍՅՈՒՒՅ սակաւուք զոր ինչ միանգամ պատահեցաւ յերուսաղէմ՝ զկնի մեկնելոյ Գրիգորի Պատրիարքի 'ի Կոստանդինուպօլիս : Քանզի 'ի նմին ժամանակի 'ի սաստկանալ հակառակութեան Յունաց 'ի Կայսերանիստ քաղաքի անդ , գրգռեցան և վանականք նոցին տուրութեամբ յերուսաղէմ ընդդէմ Հայոց . այլ ջանիւք Աթոռակալ Գարրիէլ վարդապետի վերստին յանձնեցան վանօրայք 'ի ձեռս Հայոց օրինօք դատարանի :